

COMUNICATO n. 3422 del 04/12/2024

La Tèlia e i 25 egn de la Lege 482/99: l davegnir de la comunitàdes de mendranza linguistica

[Ladin] Roma, ai 12 de dezember del 2024 - Te l'ocajon di 25 egn de la Lege 482/99 sarà te la sala del Istituto di Santa Maria in Aquiro, Piazza Capranica 72, l convegno "La Tèlia de la Mendranzes Linguistiches. Idees e Strategies per l Davegnir". L event patrozinà da l'ANCI (Sociazion Nazionèla Comuns Taliegn), en colaborazion con Istitut Cultural Ladin "majon di fascegn", Terra de Punt, Sociazion Inniò, Cooperativa Open, Parco Culturale Palmieri, l é n moment emportant per fèr na reflescion en cont de la tutela de la mendranzes linguistiches e per pissèr a neva strategies per l davegnir. N dialogh anter esperc, istituzions e teritories

Endrezà aldò de na scomenzadiva de la Senatora Elena Testor, l convegno tol ite raprejentanc istituzionèi, academics, esperc e promotores culturèi che da sacotenc de egn i laora per valorisèr l patrimoniè linguistich e culturèl de la comunitàdes de mendranza te la Tèlia. Anter i relatores: Elena Testor, Senatora de la Republica, Vincenzo Santoro, Responsabol Cultura ANCI, Marco Stolfo, Università de Torin, Sabrina Rasom, Diretora del Istitut Cultural Ladin "majon di fascegn", Pantaleo Rielli, Diretor del Parch Turistich Culturèl Palmieri, Leo Virgili, President de la Sociazion Inniò e promotor de SUNS Europe, Tore Cubeddu, Diretor de Ejatv.

L 25° cedeon de la Lege 482/99

La Lege 482/99 l é n pilèster tel stravardament de la mendranzes linguistiches storiches te la Tèlia. De gra a chesta normativa, l é peà via projec educatives, culturèi e de comunicazion che i à didà la tutela di 12 lengac de mendranza sul tegnir de la Tèlia e de sie melaur storich e culturèl.

Tel convegno vegnarà fat n bilanz de na lege che l é l fundament de n emportant ejercizie democratiche.

Endèna l convegno vegnarà portà dant i resultac arjunc te chisc 25 egn e se descorarà de la neva endesfides, col ge dèr luster soraldut a la oportunitèdes sportes da la tecnologia e da la rees teritorièles.

Nasc la Sociazion "Articolo 6"

Endèna l event vegnarà portà dant ofizialmenter la Sociazion "Articolo 6" proponeta da desvalives atores che se dèsc ju col stravardament de la mendranzes linguistiches. La sociazion se ispirea a la Costituzion talièna se metan dant de engaisèr l dialogh e la colaborazion anter comunitàdes linguistiches e de didèr do la tutela di lengac de mendranza desche element fondamentèl del patrimoniè culturèl talian.

Chesta struttura soziativa che l é do a nascer la vel se oujer no demò al mond istituzionèl ma ence a soraldut a chel de la sociazions, che l raprejentea l cher vif del ativism e del stravardament linguistich.

N envit a tor pèrt

L event l é avert al publich e ai media aldò de ensinuazion per mail a associazionearticolo6@gmail.com dant che sie fora i 10 de december del 2024. Tor pèr l é debant, ma l numer de azes sarà limità.

Notes per la stampa

Vegn domanà de se acreditar dant che sie fora i 9 de december del 2024. Per informazions e detaes se pel tor contat col endrez per mail.

(S.Ra.)